

最新  
選註  
格三  
義取  
編

---

最新  
選註  
格言叢編  
目次

修養篇

持躬篇

處事篇

接物篇

最新選註格言叢編  
目次





弁言

人心不古世風澆漓道德之衰微痛國勢之日替前途悵望怒焉憂之爰選古今名賢格言彙集成篇去陳刷新詳加註釋舉凡修養持躬處世接物靡弗羅列刊入良言藥石濁世警鐘挽狂瀾於既倒救人心於將死願吾國人咸手一篇作座右銘看也可

十八年冬月劍翁作於海上



---

最新選註格言叢編

修  
養  
篇

清明以飯吾之神。湛一次以養吾之慮。沈警以養吾之識。  
剛大以養吾之氣。果斷以養吾之才。凝重以養吾之器。寬  
裕以養吾之量。嚴冷以養吾之操。

（註）神清明則不亂。慮湛一則志專。識沉警可任危。氣剛大可肩鉅。  
• 才果斷人皆服。器凝重人皆敬。量寬裕則讒言無進。操嚴冷  
則奸邪莫犯。

一動於欲。欲迷則昏。一任乎氣。氣偏則戾。

（註）欲生於貪。貪多則昏。氣發乎席。過偏則戾。

人心如明鏡。全體渾是光明。習染薰之則昏暗。

（註）人之初生其心本如明鏡。及後受社會惡習之薰染。於是賢不肖乃分。

宜靜默。宜從容。宜謹慎。宜儉約。此四者爲切己之良箴。

（註）靜默從容以守之。謹嚴儉約以行之。爲人能守此八字。則一身



無過失可言。

怒是猛虎。慾是深淵。

（註）怒氣能傷人，凶過猛虎，慾念足喪身，害等深淵。

人之心胸多欲則窄。寡欲則寬。人之心境多欲則忙。寡欲則閑。人之心術多欲則險。寡欲則平。人之心事多欲則憂。寡欲則樂。

（註）凡人處世能將欲字打消，則名利自淡，心境自坦矣。

心一鬆萬事不可收拾。

(註)心爲一身之主。宜時刻謹慎。稍一放鬆。則如脫羈之馬。危殆不可言矣。

人情冷暖爲吾忍性之地。世路風霜是吾人鍊心之場。

(註)人情冷暖要忍得過。世路風霜要耐得過。纔能算有爲之人。

靜能制動。沈能制浮。寬能制褊。緩能急。

(註)靜沈寬緩皆主氣。動浮褊急皆客氣。故凡遇客氣來犯。必以主

氣克之。靡勿奏效。

氣忌盛。心忌滿。才忌露。

(註)氣盛則驕。心滿則貪。才露則狂。

意粗性躁。一事無成。

(註)意粗每暴。性躁鮮恆。終身碌碌。無事可成。

青天白日的節義。自暗室屋漏中培來。

(註)世上許多罪惡。都從黑暗中發生。故吾人欲得清白之節義。當

自暗室中培植。

怒宜實力消融。過要細心檢點。

(註) 怒來氣猛。非用實力難消融。過出無意。故要細心去檢點。  
靜坐然後知平日之氣浮。守默然後知平日之言燥。

(註) 坐靜心亦靜。行默心亦默。平日所做過失。自然湧現眼前。



---

持躬篇

最新選註格言叢編

三

---

經一番挫折。長一番見識。容一番橫逆增一番器度。

(註)挫折多經方爲其真見識。橫逆能容。才是大器度。

有真才者必不矜才。有實學者必不誇學。

(註)牙慧之才每好矜。皮毛之學恆好誇。

毋毀衆人之名。以成一己之善。

(註)毀衆而成己善。是利己而損人也。

富貴怨之府也。才能身之災也。聲名謗之媒也。歡樂悲之

漸來。

(註)富甚生怨。才顯招忌。位高來謗。樂盡悲來。物極必反。理所然也。

吾人處世。須實處著脚。穩處下手。

(註)處世爲事。須處處從實著脚下手。苟一鬆浮。則此生一事難成。

物忌全勝。事忌全美。人忌全盛。



(註)物全勝必招伐。事全美必招讒。人全盛必招妒。

做人有四個字要訣。曰務實耐久。

(註)務實則無虛。耐久則性長。持此而立身爲事。無往不可矣。

風狂雨驟時。立得定才是脚跟。

(註)人能受得住艱儉頓挫。纔算在社會上立定根基。

心術以光明篤實爲第一。容貌以正大老成爲第一。言語以簡重真切爲第一。

(註)心術糊篤則光大。容貌誠正則禮敬。言語簡重則莊重。爲人而有此三備。則人道全矣。

此生不學一可惜。此日閑過二可惜。此身一敗三可惜。

(註)一不惜則愚。二不惜則惰。三不惜則不可收拾矣。

貧賤是苦境。能善處者自樂。富貴是樂境。不善處者更苦。

(註)貧不足苦。善處自有清樂。富雖是樂。不善處者較貧。尤痛苦。

萬分。

居安慮危。處治思亂。

（註）享安樂之日。應當慮危急之秋。處治平之世。勿健忘患亂之時。  
禍到休愁。也要會救。福來休喜。也要會受。

（註）禍臨莫愁或有挽救之術。福來莫喜。不會受依然苦愁。  
富貴如傳舍。惟謹慎可得久居。

（註）黃金本淌來物。苟不謹守。必仍淌去。

儉則約。約則百善俱興。侈則肆。肆則百惡俱縱。

（註）儉約能興善。侈肆則惡生。

步步占先者。必有人以擠之。事事爭勝者。必有人以挫之。

（註）人人好占先。人人好爭勝。今日之奪人以前者。安知他日無人來奪之。

安莫安於知足。危莫危於多言。

(註) 心知足自安樂。好多言必招禍。

富以能施爲德。貧以無求爲德。

(註) 富而不施則嗇。貧而曲求則賤。

護體面不如重廉恥。求醫藥不如養性情。

(註) 能重廉恥則體面不失。能養性情則疾病自少。

困辱非憂。取困辱爲憂。榮利非樂。忘榮利爲樂。

(註) 困辱非真憂。若自取之是真憂。榮利非真樂。能談忘之斯真樂。

心志欲苦。意趣欲樂。氣度欲宏。言動欲謹。

(註) 心志苦則性耐。意趣樂則神怡。氣度宏則能容。言動謹則不失。

剛强者戒太暴。溫良者戒無斷。

(註) 太暴則粗蠻失禮。無斷則優柔莫畏。

勿施小惠傷大體。毋借公道遂私情。

(註) 惠小傷大、假公濟私。最易招人物議。凡爲社會服務者。皆當引爲切戒。

胆欲大。心欲小。智欲圓。行欲方。

(註) 胆大心小智圓行方。此八字爲人生應世第一妙訣。

貪號食以招辱。不若儉而守廉。

(註) 善貪之夫必招辱而後止。好儉之士都養廉以終身。

拙字可以寡過。退字可次遠禍。

(註)不誇巧自鮮過。善養晦自無禍。

無功而食。何異鼠雀。肆害而食。直等虎狼。

(註)鼠雀潛害。隱患無底。虎狼肆虐。禍更大焉。

古之居官是在下民身上做工夫。今之居官乃在上官眼底做工夫。

(註)古之爲官多體愛。故肯在下民身上用功。今之爲官專逢迎。故常在上官眼前用功。

執法如凶。守身如玉。愛民如子。去蠹如讎。



(註) 執法應如山之重。守身應如玉之潔。愛民應如子之慈。去蠹應如讎之切。

官雖至尊。決不可以人之生命。佐己之喜怒。

(註) 凡以人之生命佐己之喜怒者。其官非貪卽虐。

以鮮花視美色。則孽障自消。

(註) 美色本似鮮花。瞬息卽枯萎。世人何必沈迷不醒哉。

居家忌奢而尤忌嗇。

(註) 居家不可奢。奢則易敗。但亦不可嗇。嗇則生貪。

讀書者不賤。守田者不飢。積德者不傾。擇交者不敗。

(註) 讀書者明禮。必有騰達。守田者生產。終身飽暖。積德者厚福。

• 世澤綿延 • 擇交者友益 • 自可立足 •



---

最新選註格言叢編

處事篇

二七

---

緩事宜急幹。敏則有功。急事宜緩辦。忙則多錯。

(註)緩事不急則益遷延因循。急事應緩。緩則心細周到。

居處必先精勤。乃能閑暇。

(註)愈貪怠惰者。其事反愈紛忙。

無心者公。無我者明。

(註)無心則無私。無我則大白。

置其身於是非之外。而後可以折是非之中。置其身於利害

之外。而後可以觀利害之變。

（註）當局者迷。旁觀者清。是非利害之道。莫不皆然。

天下無不可化之人。但恐誠心未至。天下無不可爲之事。

只怕立志不堅。

（註）惟有誠心可以感頑固之人。惟有遠志可以做遠大之事。

以真實肝胆待人者。人亦必以真實肝胆待我。

（註）待人以誠。報亦必誠。此必然之理也。

富貴之人不肯從寬。必遭橫禍。聰明之人不肯學厚。必天  
天年。

(註)財裕須欲惠貧以種善。學飽須欲存厚以種德。

位尊身危。財多命殆。

(註)位高防謗也。財多防盜也。

倚勢欺人。勢盡而爲人欺。恃財侮人。財散而受人侮。

(註)財勢終有盡頭日。何必作盛作福以凌人。

天下無窮不肖之事。皆由於重利之一念。

(註)利爲萬惡之源。吾人苟能淡泊忘之。則一切邪念無由生矣。  
肆傲者納侮。諱過者長惡。

(註)以傲待人。則侮來臨。過若不改。則惡益增。

物力艱難。要知喫飯穿衣來處非易。

(註)世上最難事。無如吃飯與穿衣。故吾人當思其來處非易。

終日說善言。不如實行做一件。



(註)空言說善。何補於事。實地行善。纔能惠人。

以積貨財之心積學問。以求功名之心求道德。

(註)貨財是浮物。不若學問之實在。功名是虛耀。不若道德之有根。

費千金而結納勢豪。不若傾半瓢之粟以濟飢餓。

(註)結納勢豪。徒威一時。惠施飢餓。德種一生。

眼界要闊。應徧歷名山大川。度量要宏。須熟讀五經諸史。

○  
(註)山川遍歷。眼界必廣。飽學之人。度量必宏。

志之所趨。無遠勿屆。窮山巨海。不能限也。志之所嚮。無堅不入。銳兵精甲。不能禦也。

(註)天下無難事。祇須有心人。惟志而已耳。

母以嗜慾殺身。母以貨財殺子身。母以政事殺百姓。母以學術殺天下後世。

(註)淫慾足殺身。惡財足殺子孫。苛政足殺百姓。邪學足殺天下後

世。

言語之惡莫大於造謔。行事之惡莫大於苛刻。心術之惡莫大於深險。

(註)言語深造者傷人。必彼輕視。行事苛刻者無人。必難立足。心術深險者陷人。必不善果。

遇朋友交遊之失。宜剴切不宜遊移。處家庭骨肉之變。宜委曲不宜激烈。

(註)規朋友之過宜直諫。方是知己。處家庭之變。當婉勸。自易和好。

明鏡止水以澄心。泰山喬嶽以立身。青天白日以應事。霽月光風以待人。

(註)存心欲如鏡水之淨。立身欲如山嶽之昂。做事欲如光天之潔。待人欲如風月之和。處事有此四備。則可應世無虞。



---

接物篇

最新選註格言叢編

三七

---

人好剛好以柔勝之。人用術我以誠感之。人使氣我以理屈之。

(註) 唯剛可以柔克。唯術可以誠感。唯氣可以理屈。蓋柔也誠也理也。皆正大浩壯之氣。故所向可制勝也。

何以息謗曰無辯。何以止怨曰不爭。

(註) 不辯則無惱謗自息。不爭則無氣怨自止。

以仁義存心。以勤儉作家。以忍讓接物。

(註)以仁存心必有厚報。以勤作家家必盛興。以讓按物。所向和親。窮寇不可追也。貧民不可威也。

(註)窮寇追之必反噬。貧民加威必反動。

恩怕先益後損。威怕先鬆後緊。

(註)恩先益而後損。則恩反爲讎。威先鬆而後緊。則恐管束不住。任難任之事。要有力而無氣。

(註)無些微火氣而有沉毅之力者。始能任危肩鉅。



處事須留餘地。責善切戒盡言。

(註)不留餘地以處事。則易招人排擠。不戒盡言而責善。則反受人怨恨。

喜聞人過。不若喜聞己過。

(註)人誰無過。能改則善。與其喜聽人之過。無如先檢己之過。

聽其言必觀其行。是取人之道。

(註)取人道之。不可遽信其言。當細察其行。

論人之非。當原其心。不可徒泥其跡。

（註）論人之爲非。不可觀其跡。當先究其心。

待小人宜寬。防小人宜嚴。

（註）小人待過緊則招恨。防過鬆則生害。

聞惡不可遽怒。恐爲纔夫洩忿。聞善不可就親。恐引奸人進身。

（註）聞惡若遽怒恐招讒。聞善若就親恐中奸。吾人處此不可不填之。

遇剛鯁人須耐他戾氣。遇佻達人須耐他浮氣。

(註)耐之一字足以克剛鯁。制佻達。

德盛者其心和平。見人皆可取。德薄者其心刻傲。見人皆可增。

(註)德盛厚者和藹可親。世人皆取。德刻薄者見人皆憎。唯我獨尊。律已宜滯秋氣。處世須帶春風。

(註)規自己應如秋風之嚴肅。待世人應如春風之煦和。

落落者難合。一合便不可離。欣欣者易親。乍親忽然成怨。

(註)難合必難離。是由患難而始。患難而終。易親必易散。是因勢利而成。勢利而變。

能媚我者必能害我。宜加意防之。肯規予者。必肯助予。宜傾心聽之。

(註)媚我是笑裏藏刀。故欲嚴防。規我者雖逆耳是忠言。故應傾聽。

己性不可任。當用逆法制之。

（註）凡任凡性做事者必僨事。其制之法惟一忍。

處富貴之時。要知貧賤的痛癢。

（註）富貴之時不知貧賤之痛癢者。必驕奢而衰敗。

辱人以不堪必反辱。傷人以已甚必反傷。

（註）凡事予人以過不堪者。結果必反自招不堪。

時窮勢蹙之人。當原其初心。功成名立之士。當觀其末路。

○

(註) 勢盛足時窮者。自有來因。切莫譏訕其現狀。名立功成者。勿  
必誇耀。須看其結果如何。



中華民國十八年十二月出版

最新選註格言叢編 全一冊

每冊定價大洋三角

版權所有  
翻印

選註者 劍翁

編輯者

發行

新中國

上海康腦脫路  
文化協會  
康樂里內

印刷者 派利印刷公司

最新選註格言叢編

四七



10  
828080

828080